



## **Kugluktuk Angoniatit Association • Hunters' & Trappers' Organization**

PO Box 309, Kugluktuk NU X0B 0E0 • Phone: (867) 982-4908 • Email: [kugluktuk@krwb.ca](mailto:kugluktuk@krwb.ca)

PITJUTAOYOK: Kugluktuk Angoniatit Katimayit (HTO-kut) titigakhimayot kiotjutigivlugit ukkua Nunavut Kavamatkut kiotjutigihimayaitnik tahapkununga umingmait munagitjutaitnik mighagot tahamani nunaoyami MX-07-mi.

### **HIVUNIGHITJUTAT:**

- Umingmait kangagalok nikkigiyaokataktot hapkua Kugluktukmiut Inuinaknin.
- Kugluktukmiut anguniaktit atokataktait tahapkua pingahut aviktoghimaniit nunaoyami anguniakvigivlugit tahapkua: MX-11 kivatani Kugluktumi; MX-07 Kiilikinikmi MX-09, tatvalu una MX-11 tahapkua atogaoloaktot anguniaktiit anguniakvigivlutjuk.
- Anguniakviahimangitok tahamna aviktoghimaninga nunaoyamin MX-07-mi Kugluktukmiot anguniaktitnin tatvanganin 2019-min kinguaniitlo, ikittunuanik umingmakviahimayok
- Kugluktukmiut anguniaktit takkühimaliktot ikkilivalianingani tahapkua amigaitilangit umingmait tahamani (anniakutikakpaliktuniklo) taimatot ahiani aviktoghimayuni nunaoyami angutiakpaliktot.
- Kugluktumi HTO-kut ikkayokhiothimangitat ukkua Nunavut Kavamatkut parnaiyaotatnik naunaiyagomavlutjuk tahamna aviktoghimayomi nunaoyami MX-07.

### **UBLUMI KANOGININGANIK:**

- Ukkua Kugluktumi HTO-kut katimakatigihimayat ukkua Nunavut Kavamatkut havaktiit tatvani June 18, 2025-mi ukkaotigivlugit tahapkua naunaiyaotaohimayot.
- Ukkaotikakhimayot tahapkuninga Kititaohimayot Anguniakutikhat Ataatait ikkilivaligomangmatjuk 400-mit talimanut ataatakanik tamatkiklugo tahamna aviktoghimayomi nunaoyami.
- Ukkua Kugluktumi HTO-kut ikkayoghiothingitaat tahamna tatvalu uktokuyaat ukkua Nunavut Kavamatkut katimakatigitkovlugit nunaliitni nallaktitlugit.
- Ukkua Kugluktumi HTO-kut atokataktat una MX-11-mi nunaoyami hapkua nunaliitni anguniagangata Nunakatigit Nikkighakhiokhugit Avakuktakanik.

### **UKTOKUYAOYUT:**

- Ukkua Kugluktuk-mi HTO-kut pihimayomayat ukkua Kititaohimayot Anguniakutikhat Ataataghat aulaakuvlugit 400-nik ataataghat tatvalu tamaita hapkua anguniaktit katimayit ilikut angutighanik munagitjutighaitnik ihuaghaitkoyait tahapkuani aviktoghimayomi nunaoyami, taimatotaok inmingnik havagihimayaitnik.
- Ukkua Kugluktumi HTO-kut katimakatigiyomayait hapkua allaat Anguniaktit Katimayit tatvalu Ikkayoktigikhutik Munaghiyoyot kiotjutighanik hivunighami tahapkua Nunavumi Anguhighalikiyit Munaghiyiolutik Katimayit katimakatigiyomavlugit ahivakulugit tahapkua Kititaohimayot Anguniakutikhat Ataatakhait umingmakhiokutit tatvani Aviktoghimayomi Nunaoyami MX-11-mi.

Titigakhimaya uma

Amanda Dumond, Ataniata